

**/մաքսային կանոնների խախտման վերաբերյալ
գործի վարույթ սկսելը մերժելու մասին /**

«01» հոկտեմբերի 2021թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Հայկ Միրզոյանս, քննելով Իրանի Իսլամական Հանրապետության քաղաքացի Մոսեֆ Ֆարզինի /անձնագիրը՝ T96350145, ծնված՝ 06.11.1958թ./ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Իրանի Իսլամական Հանրապետության քաղաքացի Մոսեֆ Ֆարզինի անվամբ 29.10.2019 թվականի թիվ 05100041/291019/0000544281 մաքսային մուտքի օրդերով, «Ժամանակավոր ներմուծում» մաքսային ընթացակարգով 10 /տաս/ ամիս ժամկետով ՀՀ տարածք է ներմուծվել PEUGEOT-206 մակնիշի, VIN-NAAP03EE7HJ491010, 2017 թվականի արտադրության, 28AA259 պետհամարանիշի տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը սահմանվել է մինչև 29.07.2020 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ԵՏՄ հանձնաժողովի 29.04.2020 թվականի թիվ 47 որոշմամբ մինչև 30.09.2020 թվականը երկարացվել է անձնական օգտագործման ապրանքների վերաարտահանման ժամկետները, եթե այդ ժամկետները ավարտվում են 01.03.2020 թվականից մինչև 30.09.2020 թվականն ընկած ժամանակահատվածում: ԵՏՄ հանձնաժողովի 11.09.2020 թվականի թիվ 79 որոշմամբ ԵՏՄ հանձնաժողովի 29.04.2020 թվականի թիվ 47 որոշման մեջ կատարվել է փոփոխություն 30.09.2020 թվականը փոփոխվել է և երկարացվել է մինչև 31.03.2021 թվականը: ԵՏՄ հանձնաժողովի 05.04.2021 թվականի թիվ 25 որոշմամբ ԵՏՄ հանձնաժողովի 29.04.2020 թվականի թիվ 47 որոշման մեջ կատարվել է փոփոխություն 31.03.2021 թվականը փոփոխվել է և երկարացվել է մինչև 30.09.2021 թվականը:

Նյութերի ուսումնասիրության արդյունքում պարզվել է, որ ԻԻՀ քաղաքացի Մոսեֆ Ֆարզինի կողմից 29.10.2019 թվականին ժամը 10:01-ին Մեղրիի մաքսային կետ-բաժնով ՀՀ է ներմուծվել PEUGEOT-206 մակնիշի, VIN-NAAP03EE7HJ491010, 2017 թվականի արտադրության, 28AA259 պետհամարանիշի տրանսպորտային միջոցը: Սահմանափակումների պատմության համաձայն ԻԻՀ քաղաքացի Մոսեֆ Ֆարզինի 06.11.2019 թվականին ժամը 20:32-ին PEUGEOT-206 մակնիշի, VIN-NAAP03EE7HJ491010,

2017 թվականի արտադրության, 28AA259 պետհամարանիշի տրանսպորտային միջոցով Մեղրիի մաքսային կետ-բաժնով հատել է սահմանը և անցել ԻԻՀ:


ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Ելնելով վերոգրյալից և ղեկավարվելով ՀՀ մաքսային օրենսգրքի 208-րդ հոդվածի, և «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետով՝

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Մոսեֆ Ֆարզինի նկատմամբ մաքսային կանոնների խախտման վերաբերյալ գործի վարույթ սկսելը մերժել:
2. Որոշման մասին հայտնել Իրանի Իսլամական Հանրապետության քաղաքացի Մոսեֆ Ֆարզինին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ